

عدد — ۷۸

نسخه سی ۴۰ پاره در

جریده صوفیه

شیمدیلک هفته ده بر نشر اول نور .

امور اداره و تحریریه و اعلانات و ساثره
ایچون مدیر مسئوله مراجعت ایدللبدر .

عرفای امتك مقالات منصوفانه لرینه
حرید صوفیه لك حبیفه لری آچقیدر .
درج ایدلیان اوراق اعاده ایداز .

ابونه سی : بر سنه لك اعتباریه ممالك
عنايه ایچون ۴۰ آتی آیلغی ۲۵ فروش
وممالك اجنبیه ایچون اون ابکی فرانقدر

حل اداره باب عالی جوارنده ابوالسمود
جاده سنده نجم استقبال مطمعه سی

تصوفی ، دینی ، اخلاقی ، سیاسی جریده اسلامیه در

لوامع دن مابعد

کورمن میسک که ؛ رسول اکرم صلی الله تعالی علیه وسلم حضرتلری
ناصل بیوریورکه ؛ حبيب الی من دنیا کم ثلث النساء والطیب وقره
عینی فی الصلوٰۃ ، حالوکه ذات اقدس رسالتپناهیلری اکل المخلوقات اولوب
شان عالیرنده « مزاغ البصر وما طفی » ستایش عظیمی شرفنازل
اولشد . بو حدیث شریفک شرحی و بو محبتک سری نصوصک حکمت
فردیه سنده مذکوردر . اطلاع مراد ایدن اورایه مراجعت اینسون .
چونکه بوراده مقصودمن مجرد اهل الله اوزرینه کذران اولان صورت
شہوت و طبیعت اولوب حقیقت شہوت اولدیغنه تنبیهدرکه اهل حجاب
اولنر بو طائفه عالیہک حالتی کندیلمه قیاس ایتمیلر و بو سیله کندیلری
ادبار وانکار ورطه سینه آتمیلر .

رباعیه

خوش نیست قیاس پاکبازان کریم درشہوت و آرز بر خسیان لثیم
زان آتش جانفروز کش دید کلیم نا آتش خانه سوز فریست عظیم
شہوات نفسانیہدن آزادہ بولنان کریم ذواتی ، حرص و شہوت
خصوص سنده لثیم خسیلر قیاس ایتمک این دکادر ، اوت ، حضرت
کلیمک علیہ السلام کوردیکی آتش جانفروز ایله خانه سوز آتش آراسنده
فرق عظیم واردر .

رباعیه

احکام طبیعت که بود کونا کون نخس است یکی را و یکی را میمون
درفه شنبه باشی ازبیل که چون بر سبطی آب بود بر قبطی خون
متنوع بر صورنده تجلی ایتمکده اولان احکام طبیعت ، بر
شیخه نسبتله نخس و دیگرینه سمد اوله بیلر ، قصصده ایتمش
اولمیسک که نیل ناصل سبطی به نسبتله آب ایکن قبطی به نظر آقان
اولشدی .

اسباب محبت بشدر . برنجیمی : نفسه و نفسک وجود و بقا سینه
محبتدر . بانضروره معلومدرکه هرکس کندی بقای وجودنه طالبدر
و عمومک جلب منفعت ، دفع مضرت خصوصنده اہلیمی دائما کندی
ایقای وجودی جہتنه مصروفدر . شو حالده مادام که وجود و بقایه محبت انسان
ایچون ضروری اولبور ایجاد و ایقا ایدن ذاتہ محبت ، اولویت طریقہ
مرتبہ ثبوتہ کش اولمازی ، صیقاقدنه قاجوب آغاج کولکسفی دوست
اتخاذ ایدن فقط کولککینی تشکیل ایدمک او آغاجی سومین آدمه
تعجب اولمازی ؟ مگر بو آدم کندی سندن بی خبر اولمش اوله الله
محبت ، ثمره معرفتدر . بناء علیہ جاہلک حق سبحانه و تعالی حضرتلری
دوست اتخاذ ایدمہ بیجکی محققدر . اوت الہی سومک مطلقا الہی
بیلمهک اثردر .

رباعیه

تا کی ہوا ی خویش بکدل باشی وز حق ببقای نفس مائل باشی
ای بردہ بسایہ رخت در پای درخت سہلست که از درخت غافل باشی

ہوا ی نفسک ایله بکدل و حقندن بقای نفسه مائل اولماک نہ قدر
دوام ایدمک ؛ تشکیل ایلدیکی سایہ به التجا ایدوبده اصل سایہ بخش
اولان درختدن غافل اولماک قولای برشمیدر ؟

ایکنجیمی محسن و منعمه محبتدر . مخفی دکادر که کندی سینه انعام اولنه حق
شخصی و مابہ الانعامی خاق ایدن جناب حق اولدینی کی منعمی ده انعام ایتمک
بہت و سوق ایدن یزہ اودر . زیرا جناب ذوالجلال حضرتلری منعم عابک
خیر و سعادتہ — کہ منعم بہدر — کندی سینه ایصال ایلکی منعمک خاطرینه
القا و حتی مومی الہی — عدم ایصال تمنع اوله حق بر درجہده — ایصالہ
الجا ایدر .

شو حالده حق سبحانه و تعالی حضرتلری هر محسندن ، هر منعمندن
زیادہ محبت اولننه شایانی واولی اولور .
رباعیه

بین نعمت ازان کہ نعمت دیدن ازوست گوشکر کسی کہ شکر ورزیدن ازوست
بخشش زخدای دان کہ درملک وجود بخشیدہ و بخشندہ و بخشیدن ازوست
کورمک ، شکر ایتمک نعمتی کندی سندن اولان ذائم شا کر اولوب
نعمتی اندن کور . بخش و عطای جناب حق فی بیل کہ عالم وجودده کی
احسانده ، محسنده ، محسن علیہده ہیمنی اولنددر .

اوچنجیمی صاحب کماله محبتدر . چونکہ صفات کالندن علم ، سخا
تقوی کی بر صفت فاضله ایله متصف اولان ذاتک البتہ صفت کالی اوزانہ
محبتی ایجاب و استلزام ایدر شو حالده منبع جمیع کالات اولوب عمومأ ماکرم
اخلاق ، محامد اوصاف کندی سندن رشخه فیض کالی اولان حضرت
باری مطلقا محبتہ اولی اولور .
مابعدی وار

کمال الدین خرپونی

امام شافعی

مجتہد بی مدانی معالی اسلامیتک ناشر فیض آوری امام شافعی محمد
بن ادريس حضرتلری پدرلری جہتندن مطلبی و والدہلری طرفندنده
هاشمی در . نزاهت و اصلالہ متصفدر . امام مشارالیه بوصفت اصالتہ
افتخار ایدر ایدی .

حضرت امام یوز الی سنہ سی تاریخ ہجری سنده ساحہ زیب عالم
شہود اولشد ، بمضار امامک یوم تولدی ابوحنیفہ نعمانی بن ثابتک
یوم ارتحالہ مصادفدر دیدیلر . امام شافعی ایکی یوز درت تاریخ ہجری سنده
ارتحال دار نم ایتمش اولمسایله بو تقریرہ کورہ بو عالم فانیده الہی درت
سنہ معمر اولدقلری ا کلا شیلور . شعبان المعظمک ایلمک کونی قریبیلرہ
مخصوص اولان قاہرہ دہه مقطم نام مقبرہ دہه دفین خلاۃ طرناک اولشددر . مشار
الہ اوزون بویلی ہک یاقیشقلی و طلاق لسانہ مالک و مہابت و وقاری
جامع ایدی . نظافت ثیابہدہ ہک اہمیت و برر ایدی ، اثر نبوی بہ اتباعاً
لحبسینی قنہ ایله بویاردی . لسان بلاغی نشر مائر ہر فان ایلدیکی زمان